



Universitätsbibliothek Paderborn

Philomathi Mvsae Ivveniles

Alexander <VII., Papst>

Coloniae Vbiorum [i. e. Amsterdam?], 1645

LXVII. De Genvensivm Repvblica, Post Fvgatos Hostes, Ioanne Iacobo
Lomellino Creato Principe.

urn:nbn:de:hbz:466:1-12750

LXVII.

DE GENVENSIVM REPVLICA,
POST FVGATOS HOSTES,
IOANNE IACOBO LOMELLINO
CREATO PRINCIPE.

In gratiam Io. Mariæ Geherardi.

I Am jam sparge nitentibus,
Regina ò Ligurum, compita floribus ;
Cælo attolle beatior
Vultus, & nebulas disjice præpotens.
Turbarat validis polum
Nuper fulminibus Gallus, & Allobrox ;
Nimbis vernaque faustitas
Bellorum fugiens cesserat horridis.
Sed te jam melior dies,
Et grato roseus vidit Iberiæ
Sol Eous ab Hespero.
Sensere ingenita robur adorea
Priscum vivere gentibus,
Hostes, Romulidum viribus arduis
Ægre olim domitum, gravem
Mirati, intrepido pectore Curiam
Fugere indociles manus
Telorum, atque rudes agmine milites.

H 2

Et

*Et quos velleris aurei
 Phryxeus decor, ac verna beatitas
 In se allexerat improbos,
 Ferro sat profugos cernit ab æthere
 Chiron ante hyemem ferox
 Certa dejiciens spicula dexterâ.
 Perge ô, quaque potens manu,
 Vrbs, qua & consilio provida, fluctibus
 Atque agro procul impetum
 Arcere, & gladios pellere barbaros.
 Præcinge interea comas,
 Et jam cana tui tempora Principis,
 Matris Cyprigenæ rosis ;
 Hæc innectat amor serta decentius,
 Quo patrum ac populi favor
 Concors tergeminis regnet honoribus.
 Felix omne Dux bono
 Majora assequere ; hinc divitis Indiæ
 Aurum te manet ; hinc sacris
 Victrix casta tibi laurea frondibus
 Exornat superos virens :
 Nam te non oleam, aut gramina frontium,
 Nec quercum deceat satis,
 Aut myrtum Veneris cernere munera.*

LXVIII. FE-